



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Geistliche Hauß-Bibliothec

Das ist/ Allerley heilsame Tractätlein zu sonderbarem Trost der  
Lebendigen vnd Abgestorbenen

**Lohner, Tobias**

**München, 1684**

§. 5. Welches die beste Genugthuung sey.

**urn:nbn:de:bvb:12-bsb10786024-4**

sohlen ist. Dann die wahre Lieb/ vnd das wahre Vertrauen auff Gott/ begleitet mit einem vollkommenen Haß/ Mißfallen/ vnd Verachtung vnser selbst/ ist ein sehr köstlicher Schatz / mit dem wir leichtlich alles/ was wir begehren/ ja mehr als wir begehren/ kauffen/ vnd erhalten mögen.

S. 5.

### Welches die beste Genugthuung sey.

Der Mensch erkenne/ daß alle Werck/ vnd alle seine Beschwärenissen geringer seyen/ dann daß er dardurch für seine unzahlbare Sünd der Gebühr nach genug thun könne. Wollan dann/ das Gut/ so er thut/ vnd das Böß/ so er leidet/ das thue vnd leid. er darumb/ damit er Gott / den er beländiget hat/ versöhne/ ihme gefalle/ vnd sein Freund werde: er such darinn die Ehr Gottes / die Lieb Gottes/ den Willen Gottes/ im übrigen zu einer Genugthuung für seine Sünd/ opffere er Gott auff die Verdienst/ Mühe vnd Arbeit/ Werck/ Schmerzen/ vnd Wunden Christi. Dann diese seynd zweifels ohne mächtig genug vollkumblich genug thun für alle Sünd. Blosius. in Inskitt. Spirit.

Vnser Demüthigkeit/ durch welche wir dasjenige/ so wir recht thun vnvollkommen/ vnd gering vrtheilen/ dergleichen vnser gutes Vertrauen gegen Gott/ dardurch wir in denselben verhoffen/ vnd die

Verdienst seines Leben vnd leydens erheben/ vber  
 trifft alle Mühe vnd Arbeit vnser Gnugthuung.  
 doch aber ist vomnöthen/ daß wir allzeit thun/ was  
 vns zuverrichten möglich/ vnd alles was wir thun  
 verbringen/ nicht vns/ sonder ihm selbst zu schen-  
 ken/ ohne welchem wir nichts (Joann. 15.) zu thun  
 vermögen. Der Herr selber gibt das Gute/ vnd  
 was er geschenckt vnd geben hat/ will er begehren  
 vnd vergelten. Bloisus in Canon.

## Zehendes Capittel.

Wie man sich wegen der Commu-  
 nion trösten soll.

§. 1.

Wie annemblich Gott dem Herrn / vnd  
 dem Heiligen die öftere Communion  
 seye.

**W**as die heilig Jungfrau Gertraud bettete für  
 Jungfrau ihres Closters/ welche durch  
 Eifer der gerechtigkeit bewegt/ andere fra-  
 me Schwestern mit ihren Worten kleinnützig ma-  
 te/ vnd/ damit sie nicht so oft zu Gottes  
 giengen/ abschreckte/ da antwortet der Herr: Da-  
 nach mein Lust ist bey den Menschen. Kindern  
 seyn/ vnd ich dieses Sacrament auß höchster Lieb-  
 meiner Gedächtnis den Glaubigen zuempfangen  
 hinterlassen hab/ vnd durch dasselbig bis zum